



# სახალხო ბაბური

სურათიანი დაბატება

გაზეთის № 1016

დაბატების № 179

კვირა, 13 თებერვალი 1913 წ.

## უნიალაგონი

პიესა 4 მოქმედებად.  
(შემდეგი \*)

შემოდის დარო ჩაცმული.

**დარო.** აი, მზადა ვარ!.. რუსია, წავიდეთ!

**რუს.** მეც მზადა ვარ!.. (გამოდის. მიდის. კარებში ზურა შეხედება. დარო უბლზე ჰკოცნის).

**დარ.** ნახვამდის, ზურა!

**ზურა.** ნახვამდის, დედა! (თავის ოთახში შედის. რამდენიმე ხანი სცენა ცარიელია. დერეფანში ფეხაკრეფით შემოდის რამდენიმე გლეხი, წინ მოუძღვის ესტატე. ეს სხვებზე გაბედულია, ჩუმად ლაპარაკობენ. სცენაზე შემოსვლას ვერა ბედვენ. ესტატე კარებში შემოჰყოფს თავს).

**ესტატე.** არავინა ხარ სახლში? (დაიმალოება. კაბინეტიდან დერეფანში გადის ნესტორ. დიდხანს ლაპარაკობენ. ნესტორ და ესტატე კაბინეტში შედიან. სხვები დერეფანში რჩებიან. შუა კარები მოხურულია. ყველაფერი ესა სჩანს უშაბანდიდან).

**დესპინე.** (გამოდის დაროს ოთახიდან, ჯდება შუა მაგიდასთან და გაზეთს ათვალიერებს).

**დომენტი.** (სამხარეულოდან გამოდის, მიიხედ-მოიხედავს, ელექტრონის დილს გადააბრუნებს, სინათლე ჰქრება. ფანჯარაში მთვარის შუქი).

**დესპ.** რას სჩადიხარ, ბიჭო?

**დომ.** მეშინია, თვალები არ წავიხედს ნამეტანი კითხვით.

**დესპ.** სულელი!

**დომ.** (მეორე მხარეს მიუჯდება) ახლა რა ვქნათ მე და შენ, ჩემო სულის კოკროჩინავ?

**დესპ.** რისი?

**დომ.** რაღა რისი, ბეჩა? შეყვარების თაობაზე?

**დესპ.** თავი დამანებე ერთი!

**დომ.** რატომ, შე საწყალო? აქანა მარტის კატეგივით ყველა შეყვარებულია და ჩვენ რა, ადამიანები არა ვართ თუ?

**დესპ.** რასა სულელობა?

**დომ.** ამის მადლი ნუ გამიწყრება... გუშინ ქალბატონი და ღობტური აქანეი ვნაზე ერთმანეთს ჰკოცნიდნენ... რო დე-

ვინაზე, —გამაცივა, გამაცხელა, სიცხე მომცა, ოფლი დამასკდა... სირცხვილით კინაღამ ანთება გამიჩნდა.

**დესპ.** იმათაც დაგინახეს?

**დომ.** ჰა, არა!

**დესპ.** მაშ მოგჩვენებია!

**დომ.** ბეჩა, სიზმარში კი არ ვიყავი! ამხელა კაცი კოცნას ვერ გავარჩევ?

**დესპ.** მეავე კამფეტს თუ სკამდნენ!..

**დომ.** კამფეტისა რა მოგახსენო და მგონი ლეღვი კი მიირთვა ჩვენმა ქალბატონმა.

**დესპ.** სუ, ბიჭო, გაჩუმდი! (P).

**დომ.** ჰმ... რაღა ვქნათ ახლა?

**დესპ.** კარგი-მეთქი! ხომ გახსოვს, იმდღეს გადიამ რომ დაგვინახა და კინაღამ ორივენი დაგვითხოვეს?

**დომ.** რატომ მერე? რას გვერჩიან? ვის რას ვართმევთ?

**დესპ.** არ გახსოვს რა სთქვა ქალბატონმა?

**დომ.** ჰო, რაო?

**დესპ.** მოსამსახურის სიყვარულისა კიდევ რა მცოდნიაო!

**დომ.** დიდება შენთვის, ღმერთო! ნეტა ვიცოდე, რატომაა ასე? გული ჩვენც ქე გვაქვს... სისხლი გვაქვს... მარა ალბად იმათ ჩვენზე უკეთესი სისხლი თუ აქვთ... ვითამ ახლა ქალბატონს უფრო უყვარს ექიმი, ვიდრე შენ მე გიყვარვარ?

**დესპ.** ეჰ, რა ვიცი... ასე კია და! (ჩაფიქრდებიან. კაბინეტში ლაპარაკი ისმის) ვაიმე, ბატონი შინ ყოფილა! (გავარდებიან).

**ზურა.** (შემოდის ლილინით, ქუდით ხელში, მიდის შუა კარებისაკენ. კაბინეტში ხმა მალღა ლაპარაკი. სიმღერას შესწყვეტს, შეჩერდება და ყურს უგდებს).

**ესტ.** ხმა. მე რომ ვუმტყუნო ჩემს სიტყვას—მეპატიება, —გუნათლებელი კაცი ვარ და შენ კი არ გეკადრება.

**ნესტ.** ხმა. ესტატე, შვილი ნუ მომიკვდება—გაგლახავ!

**ესტ.** ხმა. გამლახავ-რა, ჰალაპალაა? რატომ უნდა გამლახო? მე სამართალს ვითხოვ!.. დამპირდი, ფული მოგე-

ცი, პირობა შემისრულე, თუ არა და ჩემი ფული დამიბრუნე.

**ნესტ.** ხმა. შვილი ნუ მომიკვდება, გაგლახავ-მეთქი.

**ესტ.** ხმა. ვერც გამლახავ და თითხაც ვერ დამაწებ... (კაბინეტის კარები გაიღება და გამოვარდება ესტატე, სჩანს



პირველი ფელდცენზებისტერი რუსეთის არტილერიისა ანჩილ მეფის ძე, ბატონი შვილი ალექსანდრე.


*Handwritten text in Georgian script, including names and a signature.*

ბატონი შვილი ალექსანდრეს ავტოგრაფი.  
(იხ. „სახალხო გაზ.“ № 1013).

\*) იხ. სურათიანი დაბატება № 178.



# მეხილეობის გამოფენა ტფილისში



ბ-5 ხეთაგურის განყოფილება, სადაც გამოფენილია აუარებელი ექსპონატები საუცხოო მრავალ-გვარი ხილისა.



ბ-5 ჩივადის განყოფილება. გამოფენილია ნაყენ ვაზისა და სანერგეების ექსპონატები მისივე სანერგედან სოფ. აჯამეთში (ქუთაისის მაზრა).

ხელი ჰკრეს, უკან მოსდევს ნესტორ. ალ-რე მაგიდას უზის. ზურა ფარდას ამოფარება. შუა კარებში გლენები თავს შემოპყოფენ.)

**ნესტ.** გადი აქედან, თორემ ეხლავე ბიჭებს დავუძახებ.  
**ესტ.** რატომ მაგდებ? უსამართლოდ ვითხოვ რამეს თუ? ფული გამომართვი—საქმეს გაგიკეთებო... თუ ვერ გაგიკეთო—ფულს უკანვე დაგიბრუნებო... ხომ ასე იყო ჩვენი პირობა? საქმე ვერ გამირიგე—ჩემი ფული დამიბრუნე.

**ნესტ.** შენი ფული დაიხარჯა.  
**ესტ.** რაში დაიხარჯა?  
**ნესტ.** შენს საქმეში.  
**ესტ.** ნესტორ, შენ არ გეკადრება მაგი, თვარა ის ვაჭბატონი, ვიცი, რა პატიოსანი კაციც ბძანდება... მაგან ქვეყანა გაყვლიფა და მე დამინდობს?

**ნესტ.** ნუ ყვირი!  
**ესტ.** რატომ ნუ ყვირი? ვიყვირებ კი არა, ქვეყანას გაგებინებ თქვენს კაი კაცობას...  
**ნესტ.** შენი ქოხი ნუ გგონია ესა... ნუ ყვირი!  
**ესტ.** ჩემი ქოხი რომ ამისთანა იყოს, ხვალვე ცეცხლს წავუკიდებ და დავწვავ.

**ნესტ.** წადი, იჩივლე, თუ გინდა!  
**ესტ.** ვიჩივლებ და თვალსაც მოგთხრი... გუბერნატორთან წავალ... ნამესტნიკთან ვიჩივლებ!.. მე თქვენ გაჩვენებთ, როგორც უნდა ხალხის გაყვლიფა და მოტყუილება... თქვე არამზადებო, თქვენა!.. ფუი, თქვენს პატიოსნებას!..

**ერთი გლენი.** (კარებში თავს შემოპყოფს) არ გეკადრებათ, ბ-ნო, ჩვენისთანა საწყალი ხალხის გაყვლიფა... ღმერთი არ შეგარგებთ ჩვენს ნაოფლარს...

**ესტ.** რას ეუბნები? ამოღენა ხალხს, რომ გაცარცვეთ, გაყვლიფეთ?  
**ნესტ.** ჰო, კარგი, წადი და იჩივლე შენს გუბერნატორთან! (ხელით მიპყავს კარებისაკენ).

**ესტ.** ნესტორ, არც შენ დაგიჯდება იაფად, იცოდე!  
**ნესტ.** ჰო, წადი და ვნახოთ, ვის რა ფასად დაუჯდება!.. (ძალათ გააგდებს და კარებს მიხურავს. დერეფანში ისმის უკმაყოფილო გუგუნის ბოლოს მიწყნარდება).

## შემოდის ალექსანდრე (პაპიროსით)

(დიდხანს ვრთმანეთს მისჩერებიან, ალ-რე იცინის, ნესტორ გაჯავრებულია).

**ნესტ.** მამა ნუ წამიწყდება, ან თლად სულელი ხარ, ან გიჟი!.. რა გაცინებს?  
**ალ.** (იცინის) უბედურ დღეზე გაჩენილო, ნესტორ, რა გეშველება ახლა?  
**ნესტ.** მართლა რომ იჩივლოს იმ გიჟმა, რას უპირებ ჩემს ცოლ-შვილს?  
**ალ.** რა გიშავს? გაგიყრიან ბორკილებს და на 3 года въ арестантскія роты...

**ნესტ.** იცინე, იცინე!.. თუ მე ბორკილები გამიყარეს, არც შენ ჩავაცმევინ ამერიკულ „ბატინკებს“.

**ალ.** წადი, გაპყვე, მართლა არ მიჭქაროს იმ ბრიყვმა... თუ რამე დააპიროს, მომხსენებელი გააფრთხილე... ჩემს მაგიერ უთხარი...

**ნესტ.** (ქუდს ეძებს) ღმერთო, ახლა გადამარჩინე მშვიდობით და...

**ალ.** (იცინის) ბორკილების ჩხარა-ჩხურით თუ გაგასეირნეს, ნესტორ! მერე, რა საბორკილე ფეხები გაქვს!

**ნესტ.** გნახავ „პოდლუჩკით“ რომ მამყვებოდე გვერდით! (ვადის).

**ალ.** (კაბინეტში მიდის).  
**ზურა.** (გამოჩნდება) მამა!

**ალ.** (შემოტრიალდა. ღიმილი შეწყდა) ზურა! შენ აკი თეატრში მიდიოდი?

**ზურა.** დიახ!  
**ალ.** მერე რატომ არ წახვედი?

**ზურა.** მამა, რას ნიშნავს ესა?  
**ალ.** რა?

**ზურა.** რას ნიშნავს ყველაფერი ეს?  
**ალ.** რა გაყვირებს? დაგვიწყდა ვის ელაპარაკები?

**ზურა.** მაპატიე, მამავ, მაგრამ საშინელმა ექვმა შემიპყრო და თავს ვერ ვიკერ... მინდა ვიცოდე, რას ნიშნავს ეს ლაპარაკი გლენებთან?

**ალ.** თავის დროზე გაიგებ...  
**ზურა.** (ყვირის) არა, ეხლავე! ეხლა უნდა გავიგო ყველაფერი, თორემ გეფიცები—თავს მოვიკლავ!

**ალ.** (თვალეში მისჩერებია. ზურას შეურყეველი გადაწყვეტილება მოალობს) (P) კარგი, ოღონდ დამშვიდდი და გეტყვი! (P) შენ ეხლა ბავშვი აღარა ხარ და დროა გაიგო—რის პატრონი ხარ და რითი ვცხოვრობთ... ერთად-ერთი საღსარი ჩვენი ცხოვრებისა, აი ეს არის... კეთილ ცხოვრებას დაჩვეულს, არ შემეძლო მომეკლო რამ ჩემი ოჯახისათვის... თქვენთვის აღზრდა იყო საჭარო... ტოლ-ამხანაგებში ვერ გამოვეთიშებოდი... საზოგადო ასპარეზზე ვმუშაობ... ყველა ამას ფული უნდა... შემოსავალი არსაიდან არის... ვაკეთებ პატარა საქმეებს და ცოტადენ ფულს ვიღებ.


**ზურა.** დედამ ეს იცოდა?  
**ალ.** არა!

**ზურა.** მაშ კრებაზე რომ შექრთავე დაგიძახეს—მართალი ყოფილა!

**ალ.** ზურა, თავს ნუ ივიწყებ!

**ზურა.** დიახ, დიახ! რასაც ხალხში ლაპარაკობენ, რასაც სწერენ—ყველაფერი მართალი ყოფილა! მე-კი რა თავგამოდებით გიცავდი ყველგან!.. რა რიგად ვიყავი დარწმუნებული შენს პატიოსნებაში!





ალ. მოთმინებიდან ნუ გამოგყვევარ! მაშ შენ გეგონა ყვე-  
ლაფერი ეს ციდან ვარდებოდა? ფულეებში რომ კოკაობ, რა-  
ტომ ერთხელ არ იკითხე—საიდანა?

ზურა. (ჯიბიდან საფულეს ამოიღებს და გადაისვრის) რა  
უყავ პაპიჩემის მამული?

ალ. შენს მამულს დიდი ხანია სხვა დაებატრონა!

ზურა. აა, ეხლა-კი მესმის ჩემი ამხანაგების ცხვირის წე-  
ვა და იგავებით ლაპარაკი! მექრთამის შვილი! მაშ ეს ავეჯი,  
ეს ტანთსაცმელი ვისი შრომითა და ოფლით არის ნასყიდი?  
ვინ იცის, თითოეულ ჩემს ლუკმას რამდენი მშვიერი მოსტირის?  
ახ, მამავ, რად მომიწამლე ახალგაზღობა? რად მოჰკალი ჩემში  
მამაშვილური გრძობა? არ გერჩივნა სამ თუმნიან სამსახურში  
დამდგარიყავ, ან ხელგაწვდილი მოწყალება გეთხოვნა და ისე  
დაგერჩინა შენი ცოლ-შვილი ღე ეს სამარცხვინო ჩირქი-კი არ  
მოგეცხო შენი ოჯახისათვის?.. რათა, მამავ, რისთვის? (სტი-  
რის).

ალ. კარგია, დაწყნარდი! ჯერ ბავშვი ხარ და არ იცი!  
ყველა ქურდობს, მდიდარი და ღარიბი—ყველა იგლიჯება!  
ხოლო ნემსის ქურდი სჩანს და აქლემის-კი არა! ეხლა წადი  
ოპერა მოისმინე და დამშვიდდები! აი, პავლეც!

შემოდის პავლე.

ალ. აბა, პავლე, წადით ოპე-  
რაში და მერე ერთად ვი-  
ვანშობოთ.

პავ. რა ამბავია?

ალ. არაფერი, წერვები აეშა-  
ლა... აბა, ვახშად მოგელით...  
(შედის კაბინეტში).

პავ. რა იყო, კაცო, რა ამ-  
ბავია?

ზურა. ეჰ, პავლე, რომ იცო-  
დე!

პავ. რა უნდა ვიცოდე?

თურა. მამა-ჩემი... რომლის  
პატიოსნებაში ისე დარწმუ-  
ნებული ვიყავი, რაღაც საეკ-  
ვო საქმეებს აკეთებს, თურმე,  
ქრთამებს ღებულობს და ჩვენ  
გვინახავს.

პავ. ჰოო, ეგ არის, სხვა არაფერი?

ზურა. (გაშტერებული შეხედავს) როგორ? შენ ეს იცოდი?

პავ. ვიცოდი...

ზურა. იცოდი და ჩვენს ოჯახში დადიოდი? პურსა სკამ-  
დი, მამას ხელს ართმევდი?.. პავლე, მე შენ სულ სხვა კაცი  
მეგონე!

პავ. მოიცა, მოიცა, ჩემო კარგო! ნუ აზვიადებ!.. შენი  
ხნის ყმაწვილი ბავშვი აღარ არის... უნდა ფხიზელის თვალით  
შეხედო ცხოვრებას... შენა გგონია, ვინც თქვენსა დადის,  
სკაშს, ხელს ართმევს მამაშენს—არ იციან რომელი წყაროდან  
სცხოვრობთ? ყველამ იცის!

ზურა. მერე?

პავ. მერე რა! თუ ჩაუკვირდები, რომელ ოჯახს ნახავ,  
სადაც პატიოსან კაცს მიესვლებოდეს?! არა, მე საერთოდ არ  
ვლაპარაკობ... მე ვამბობ იმ პატიოსან და უმწიკვლო კაცზე,  
რომელიც შენ გყავს წარმოდგენილი... ზე-კაცზე, უცოდველ  
ანგელოზზე მოგახსენებ... კამა?! ეგრე რომ მიგყუევთ, შიშ-  
ლით ამოგწყდებით! სად იპოვნი სიმართლათ მოპოებულსა და  
ზნეობით დაქანონებულს ლუკმას? არსად! ხორცს რომ ყიდუ-  
ლობ და სკამ, შენა გგონია—სამართლიანია? ტოლსტოი ამ  
შემთხვევაში ჰენიოსია! გირვანქა პურში რომ შაურს აძლევ,  
შენა გგონია ეს კანონიერი საფასურია? პურის მცობელი  
რომ თონეში ჩაეყუდება, რამდენ წვეთ ოფლს დაღვრის, რამ-  
დენ უძილო ღამეს ატარებს, რომ გირვანქაზე ნახევარი კაპე-  
იკი მოიგოს? შენ ამაზე არასოდეს არ გიფიქრია! ლუკმა პუ-  
რი თუმანი უნდა ღირდეს, რომ მისი მცობელისაგან დაღვრი-  
ლი ოფლის ერთი წვეთი მაინც გამოვისყიდოთ. თუ ალალი  
ლუკმა გინდოდა,—პირუტყვად უნდა გაჩენილიყავ... და ასეა  
ყოველი დარგი... მთელი ცხოვრება სიცრუისა და სიყალბის  
საძირკველზეა აშენებული... ამ შენობას რომ სიმართლის ერ-  
თი აგური მიუმატო—შენობა დაინგრევა. ხელს ართმევდიო!



მენდელ ბეილიანი, რომელს ც ბრა-  
ლად ედება ბავშვის იუშინსკის მოკ-  
ვლა.

ვის აქვს სუფთა და პატიოსანი ხელი? მღვდელი დილით სახ-  
ლში მოსამსხურესა სცემს, (ცხვირიდან სისხლს ადენს,—მოდის  
ეკლესიაში და იმავე მარჯვენით წმინდა ზიარებას გაწვდის...  
ეგრე! ის ქრისტეს მკენებას ქადაგებს მხოლოდ იმიტომ, რომ  
ამისათვის მას ჯამაგირს აძლევენ! ცხოვრებაში, ჩემო კარგო,  
კომპრომისებია საჭირო!

ზურა. კომპრომისი... დათმობა!..

პავ. სხვაფრივ ცხოვრება არ შეიძლება!

ზურა. არა, მე ეგ არა მსურს! არ შემიძლიან ამ ქუქქსა  
და ტალახში ცხოვრება! იქ, საცა ყოველ ჩემს ლუკმას ათასი  
მშვიერი მოსტირის—ცხოვრება არ შემიძლიან!

პავ. მაშ, რას აპირებ?

ზურა. წავალ აქედან!

პავ. სად?

ზურა. მე თითონ არ ვიცი! მამა-ჩემო!

პავ. აბა, იფიქრე, სად უნდა წახვიდე, რომ...

ზურა. არა! ამაზე რომ ვიფიქრო, მაშინ თქვენი პრინ-  
ციპები უნდა ვალიარო ჩემი ცხოვრების კანონად... ეგ-კი არა  
მსურს!

შემოდის ალექსანდრე.

ზურა. მშვიდობით, მამა! მე მივდივარ შენი სახლიდან!

რაც დღემდე ჩემზე დაგინარ-  
ჯავს, ვეცდები დავაბრუნო, მაგ-  
რამ შენ-კი არა. დაეუბრუნებ  
იმ ღარიბ-ლატაკებს, რომელთაც  
შენ სისხლსა სწოვდი... ჩემი  
ღმერთი დაიმსხვრა... (ცრემლი  
ერევა) შენს შემდეგ, მამავ,  
აღარაფერი წმინდა ჩემთვის  
აღარ არსებობს... ღმერთივით  
გენდობოდი... შენი პატიოსნება  
მაგალითად მქონდა... ყველაფე-  
რი დავკარგე... ყოველი შენი  
შეხედვა, შენი ხმა მომაგონებს  
იმ გლეხს, რომელიც წელან აქ  
ისე წარბშეუხრელად გლანძღა-  
და, გაგინებდა და შენ კი ნება  
არა გქონდა ხმა ამოგელო, თა-  
ვი გემართლებინა... გრცხვენო-  
დეს, მამავ, ამოდენა კაცი გაგხდი  
და თურმე ერთხელ ჩემთვის  
სიმართლე არ გითქვამს... მთელი შენი ცხოვრება სულ სიც-  
რუე და მოტყუება ყოფილა!

ალ. ზურა!

ზურა. არა, თავს ნულა იმართლებ!.. შენ შენებურად  
მართალი ხარ... მშვიდობით! დედასა და რუსიას სადმე ქუჩა-  
შიაც ვნახავ! (გავარდება. სიჩუმე. ალ-რე თავჩალუნული დგას).

ალ. პავლე, გაპყევ... თავს არაფერი აუტეხოს...

პავ. (გადის).

ფ ა რ ა .

მ ო ქ მ ე დ ე ბ ა მ ე ს ა მ ე .

იგივე ოთახი ღამეა, გარედან მთვარის შუქი, ოთახში ელექტრონის სინათ-  
ლე. სცენა ცარიელია.

შემოდის გალია.

გალია. (შედის დაროს ოთახში. გამოდის, შედის რუსიას  
ოთახში, ცოტა ხნის შემდეგ იქიდანაც გამოდის, გადის აივან-  
ზე და ბალში გადასძახის) რუსია! რუსია!

რუსიას ხმა. აქა ვარ, გალია, აქა!

გალია. ამდენი ხანი ბალში ჯდომა გამიგია? აღარ გე-  
ძინება?

რუსიას ხმა. ცოტა ხანი კიდევ დამაცადე, ჩემო გალია!

გალია. სახლში შემოდი... გრილი ღამეა, არ გაცივდე!

რუს ხმა. ეხლავე, ეხლავე! დედა არ მოსულა?

გალია. არა! (შემოდის, ბუტბუტებს) აღარც დღე იციან,  
აღარც ღამე... დესპანე! გოგო, დესპანე!

შემოდის დესპანე.

გალია. გოგო, დრო არ არის, რომ ქალბატონების ლო-  
გიები გაასწორო? იქნება შენც ეშმაკები შეგიჯდა?

დესპ (თავისთვის) სულ იღრინება ეს ქოფაკი.. ნეტა რო-  
დის იქნება, რომ ჩამაღლდეს! (გადის).

გალია. აირია ოჯახი... ძალი პატრონს ვერა სცნობს.  
(გადის).

დესპ. (გამოდის და რუსიას ოთახში შედის).



შემოდან დარო და გრიშა.

დარო. არავინა ხართ?

შემოდის დესპინე.

დესპ. რას მიბძანებთ?

დარ. (შლაპას იხდის და აძლევს) ბატონი შინ არის?

დესპ. შინ გახლავთ... კაბინეტში სძინავს.

დარ. ვახშამი მიირთვა?

დესპ. არა, თქვენ გელოდათ და ეხლა ჩაეძინა.

დარ. რუსია სად არის?

დესპ. ბაღში ზის...

დარ. კარგი, წადი... მე თითონ დავიძახებ... (დესპინე გადის. მივიდა ფანჯარასთან) რა მშვენიერი ღამეა! (რამდენჯერმე ღრმით ამოისუნთქა, მობრუნდა და გრიშას მიაჩერდა, ნელა ასწია ხელი, ელექტრონი ჩააქრო, გაქანა და გრიშას კისერზე მოეხვია. დიდხანს გადახვეწილი არიან) მოდი, აქ დაჯექი! ნუ მიშლი, დავსტკბე შენის (კქერით! (გრიშა დაჯდა, დარო მის წინ მუხლებზე დაჩოქილია) როდის, როდის შეღიბდება, რომ შემეძლოს უშიშრად შენი მოხვეწვა, გულში ჩაკვრა!.. ჩემო ძვირფასო, ჩემო პირველო სიყვარულო!

გრიშა. ჩემო წამებულო!

დარო. მე ვეწამე, მაგრამ შენა?

გრიშა. ჩემს წამებას შენი ტანჯვა აქარწყლებდა.

დარ. გახსოვს, ამ 18 წლის წინად ასევე ვისხედით მამა-ჩემის სახლში?

გრიშა. მახსოვს ყოველი წუთი...

დარ. გახსოვს, მაშინ რა მითხარი?

გრიშა. მიყვარხარ-მეთქი...

დარ. კიდევ რომ შეგრცხვია და თვალები ძირს დახარე?!..

გრიშა. იმიტომ რომ პირველად წარმოვსთქვი ეს დიდებული სიტყვა.

დარ. მერე აღარავისთვის გითქვამს?

გრიშა. დარო!

დარ. ნუ გამიჯავრდები, ჩემო ძვირფასო! ხომ იცი, რა არის შეყვარებული ქალის გული!

გრიშა. განა ეგრე მიცნობ? არ იცი ჩემი აზრი სიყვარულზე? სიყვარული ერთია, დარო, და ეს ერთი—შენა ხარ!

დარ. დიახ, მე ვარ, თუმცა...

გრიშა. რა თუმცა?

დარ. ხომ გახსოვს გუშინ რაები ილაპარაკა ჩემმა ქმარმა?

გრიშა. მახსოვს! მერე რა?

დარ. რომ იცოდე, რა ტანჯვა განვიცადე მაშინ!

გრიშა. დიახ, მეც უხერხულობას ვგრძნობდი...

დარ. რა ვქნა, გრიშა, ძეტი აღარ შემიძლიან... სიყვარულის ღმერთი მაპატიებს...

გრიშა. ხალხი რომ დავსჯის?

დარ. ხალხი უარეს სჩადის... ხალხსა და საზოგადოებას შევესწირე ჩემი ახალგაზლობა, ბედნიერება... 18 წელიწადია მონად ვიყავ, ეხლა თავისუფლება მინდა!.. მინდა ერთ წუთს მაინც განვიცადო ბედნიერება.

გრიშა. ყველაფერი გაითვალისწინე?

დარ. ყველაფერი!

გრიშა. შენი შვილები?

დარ. როცა გაიგებენ ჩემს ტანჯვას—მაპატიებენ.

გრიშა. დარო, როცა წარმოვიდგენ—რამდენი ზიზღი და დაცინვა მოგეღის ჩვენი საზოგადოებისაგან!..

დარ. გრიშა, აღარ გიყვარვარ?

გრიშა. გრცხვენოდეს ამ კითხვისათვის.

დარ. მაშ რას ნიშნავს შენი ყოყმანი?

გრიშა. შენთვის ვწუხვარ და ვშიშობ.

დარ. ჩემთვის მაშინ გეშინოდეს, როცა შენს სიყვარულს დავკარგავ.

გრიშა. მაშ, კარგი! თანახმა ვარ!.. მოდი, გულზე მიგიკრა! ღმერთო, რა ბედნიერი ვარ! კვლავ გავცოცხლდი, კვლავ დამიბრუნდა წარსული ბედნიერება...

დარ. ეგრე, ეგრე, ჩემო იმედო!.. მაგრა მიმიკარ გულზე... გამითბე გაციებული გული... დამამშვიდე... (ჩაფიქრებული შემოდის რუსია; ხელში ის ვარდი უჭირავს, რომელიც გრიშამ მისცა, არჩევს და ფოთლებს სწიწკნის. უეცრად დაინახავს მათ. გაშეშდება. ყვავილი ხელიდან დავარდება. ყურს უგდებს) შენს მოსვლას ისე ველოდი, ვით მთის ყვავილი მზის

სხივებს. 18 წელიწადია არ გამიცინია, ჩემს გულს არ უგრძობია სიტკობობა... არ ვაცოდი რა არის სიხარული... ბავშვს ნორჩ გულიდან ამომგლიჯეს შენი სიყვარული და ცოლად მიმცეს იმ კაცს, რომელიც თვალის დასანახავადაც მეჯავრებოდა...

გრიშა. ჩემო ტანჯულო, ჩემო წამებულო!..

დარ. მთელი ყმაწვილ ქალობა შენს მოლოდინში გავატარე... შენის მოგონებით ვცოცხლობდი... შენი სახე ხატად მესვენა გონებაში... ეხლა-კი ძლივს... ძლივს!.. ოჰ, რა ბედნიერი ვარ!.. შენს გულ-მკერდზე...

გრიშა. მომიკარ გულზე, ჩემო ღვთაებავ!

რუსია. (თვალებზე ხელს მიიფარებს და ფეხაკრეფით ოთახში შევარდება).

დარ. ეგრე, ეგრე!

გრიშა. მაშ მოვრჩეთ ამ საქმეს.

დარ. მით უკეთესი!..

გრიშა. მრცხვენიან, რომ ვიპარავ სიყვარულს... ეს შეურაცყოფს ჩვენს წმინდა გრძობას.

დარ. მაშ, დღესვე, ამ წუთში, ჩემს ქმარს ყველაფერში გამოუტყდები!

გრიშა. დღესვე?

დარ. დიახ, ყველაფერი დღესვე უნდა გადაწყდეს!

გრიშა. მაშ, მეც დავრჩები.

დარ. შენ რათა?

გრიშა. შეურაცყოფა რომ მოგაყენოს?

დარ. ჩემთვის შიშობ? არა, საჭირო არ არის!.. შინ წადი, მშვიდობით!

გრიშა. დარო, არ შემიძლიან! როგორ, შენ აქ დაგტოვო, ამ განსაცდელში და მე შინ წავიდე? მთელი ღამე მოუსვენრად ვიქნები... დერეფანში მაინც მოგიციდი და ყურს დაგიგდებ.

დარ. არა, ნუ გეშინიან... არაფერიც არ მოხდება... აბა, მშვიდობით! ტელეფონით შეგატყობინებ ყველაფერს! დილით მე თითონ მოვალ!.. მშვიდობით!

გრიშა. მშვიდობით! (ერთმანეთს მოეხვევებიან).

(შემდეგი იქნება)

ვალ. შალიკაშვილი.



ჩვენი დროის მკლავაძე.